



Recordatorio de deberes legais dirixido ao Concello de Ferrol sobre a obriga de dictar resolución expresa e notificarla nos prazos legalmente previstos tanto nos recursos de reposición como en tódolos procedimentos calquera que sexa a súa forma de iniciación salvo as excepcións previstas na lei.

Expediente: N.9.Q/459/20

Santiago de Compostela, 7 de outubro de 2020

Sr. alcalde:

Nesta institución iniciouse expediente de queixa como consecuencia do escrito presentado por don ██████████ referido á inactividade do Concello de Ferrol respecto da esixencia de cumprimento dun decreto municipal e dunha sentenza que o ratificou e falta de contestación a alegacións presentadas ante dito concello no ano 2019.

ANTECEDENTES

PRIMEIRO.- Con data 12 de xaneiro de 2020, don ██████████ resenta escrito de queixa ante o Valedor do Pobo, no que fai constar :

“ Una vez identificados de manera definitiva los propietarios que deben responder del cumplimiento del Decreto Municipal y de la sentencia firme que lo confirmó, el Ayuntamiento de Ferrol concedió un plazo de 10 días para que presentaran alegaciones.

Éstas fueron presentadas a finales del mes de Abril de 2019; sin embargo, el Ayuntamiento a estas alturas ni las ha contestado ni ha exigido el cumplimiento de Decreto Municipal ni de la sentencia que lo ratifica, se continua perdiendo el tiempo.

Solicito la reapertura de los expedientes B.9.Q/14264/17 y B.9.Q/3797/18”.

SEGUNDO.- A queixa foi admitida a trámite promovendo, dende esta institución, unha investigación sumaria e informal para o esclarecemento dos supostos en que se baseaba

solicitando información a ese concello que xa nola remitiu e da que se deduce que o correspondente procedemento aínda non está concluído, estando pendente non só a contestación ás alegacións presentadas en data 22 de marzo de 2019 senón tamén o recurso de reposición presentado en data 29 de marzo de 2019.

Á vista do contido do escrito de queixa e do que se manifesta no informe da Administración, cómpre facer as seguintes

CONSIDERACIÓNS

PRIMEIRA.- Segundo o disposto no artigo 21 da Lei 39/2015, de 1 de outubro, do Procedemento Administrativo Común das Administracións Públicas :

- A Administración está obrigada a ditar resolución expresa e a notificala en tódolos procedementos calquera que sexa a súa forma de iniciación, exceptuándose os supostos de terminación do procedemento por pacto ou convenio , así coma os procedementos relativos ao exercizo de dereitos sometidos unicamente ao deber de declaración responsable ou comunicación á Administración.
- O prazo máximo no que debe notificarse a resolución expresa será o fixado pola norma reguladora do correspondente procedemento, si ben este prazo non poderá exceder de seis meses salvo que unha norma con rango de Lei estableza un maior ou así veña previsto no Dereito da Unión Europea.
- Cando as normas reguladoras dos procedementos non fixen o prazo máximo , iste será de tres meses.
- O persoal ao servizo das Administracións Públicas que teñan ao seu cargo o despacho dos asuntos, así coma os titulares dos órganos administrativos competentes para instruír e resolver sos directamente responsables, no ámbito das súas competencias, do cumprimento da obriga legal de ditar resolución expresa ex prazo.
- O incumprimento de dita obriga dará lugar á esixencia de responsabilidade disciplinaria , sen perxuízo da que houbera lugar dacordo coa normativa aplicable.

SEGUNDA.- O artigo 124 da Lei 39/2015, de 1 de outubro, do Procedemento Administrativo Común das Administracións Públicas, establece que o prazo máximo para ditar e notificar a resolución do recurso de reposición será dun mes .

TERCEIRA.- Pola súa banda o artigo 29 da xa citada Lei 39/2015, de 1 de outubro, establece que os termos e prazos establecidos nesa e noutras leis obrigan ás autoridades e persoal ao servizo das Administracións Públicas competentes para a tramitación dos asuntos .

CUARTA.- Destacar tamén que tanto o artigo 103 da Constitución Española como o artigo 3 da Lei 40/2015, o 1 de outubro, de Réxime Xurídico do Sector Público establecen que a Administración Pública serve con obxectividade os intereses xerais e actúa con sometemento pleno á Lei e ao Dereito.

Por todo o exposto ata agora considérase necesario , en aplicación do disposto no artigo 32.1 da Lei 6/1984, do Valedorado Pobo, facer chegar a ese Concello de Ferrol o seguinte :

RECORDATORIO DE DEBERES LEGAIS

“Recordámoslle que na tramitación dos expedientes deberá actuar dacordo cos principios de eficacia, economía e celeridade establecidos na Constitución estando obrigado a ditar resolución expresa e a notificala nos prazos legalmente previstos tanto nos recursos de reposición como en tódolos procedementos calquera que sexa a súa forma de iniciación salvo as excepcións previstas na lei”.

Agradézolle de antemán a acollida ao manifestado nesta resolución e recórdolle a necesidade de que no prazo dun mes (art. 32.2), dea conta a esta Institución da aceptación do recordatorio de deberes legais formulado, de ser o caso, e das medidas adoptadas para darlle efectividade, tamén se é o caso.

Ademais, facémoslle saber que, en aplicación do principio de transparencia, a partir da semana seguinte á data na que se ditou a presente resolución, esta incluírase na páxina web da institución.

Debo lembrarlle tamén que, ao abeiro da lei reguladora desta institución, o seu artigo 33 prevé que, se formuladas as súas recomendacións, non obtivese resposta ou, nun prazo razoable, non se producise unha medida adecuada ao suxerido, o Valedor do Pobo poderá poñer os antecedentes do escrito e as recomendacións efectuadas en coñecemento do conselleiro do departamento afectado ou da máxima autoridade da Administración Pública galega.

Se tampouco obtivese unha xustificación adecuada, incluírá tal asunto no seu informe anual ou especial con mención dos nomes das autoridades ou funcionarios que persistan naquela

actitude, especialmente nos casos en que, considerando o Valedor do Pobo que era posible unha solución positiva, esta non se conseguise.

O principio de publicidade das resolucións desta institución refórzase no artigo 37 da Lei 6/1984, cando prevé que o Valedor do Pobo, no seu informe anual ao Parlamento de Galicia, dará conta do número e tipos de queixa presentadas; daquelas que foron rexeitadas e as súas causas, así como das que foron obxecto de investigación e o seu resultado, con especificación das suxestións ou recomendacións admitidas pola administración pública galega.

Saúdoo atentamente.

María Dolores Fernández Galiño
Valedora do Pobo
(Asinado dixitalmente)